

金闕內宮洞玄得道大使郁大真人

大真人諱 於辛酉年降玉壇校科注月九經

郁大真人曰光明洞照卽聖胎結矣我在塵時惟煉太玄金火
充滿骨節卽得冲舉子等傳授大法詮諦充棟何尙未有一得
詮語中有精粗乎無有也大乘中有頓漸乎無有也信於此生
疑於彼起悟於彼得迷於此乘道人者不信亦不疑不悟亦不
迷空中有光光中有靈非光也非靈也真一而已矣亦非真一
太玄金火妙如之心也我故忘心而并忘身忘身而并忘物無
取舍無愛憎緣至而道成任成於道運合而丹就任就於天心
中空洞不罣一絲一絲不掛湛然常清此時雖不欲仙不能不
仙矣是故雲車風馬非外物也身中有之何況應感之道反可
離身而妄冀乎

道歲輯要

玉詮

卅

鬼集二